

Աղյուսակ 5

Անվանում	Գազ խմ	Բենզին լիտր	Դիզել լիտր
<i>Մնացորդ 01.01.2017թ.</i>	0	2980	7570
Մուտք	101500	62000	58000
Ելք՝ որից	101500	63420	61540
Վարչական ապարատ	56200	52385	26855
Վարչական ապարատ Վարձակալական հիմունքներով	4485	1970	0
Լիցքավորման քարտերով	40815	10625	38715
<i>Մնացորդ 01.01.2018թ.</i>		1560	4030
Մուտք	90000	60000	50000
Ելք՝ որից	89970	47530	45770
Վարչական ապարատ	42312	38010	21058
Վարչական ապարատ Վարձակալական հիմունքներով	4450	3185	0
Լիցքավորման քարտերով	43238	20365	32972
<i>Մնացորդ 30.09.2018թ.</i>	30	14030	8260

Լիցքավորման քարտերով ելքերի մասով՝ 2017թ.-ին 40815 խմ գազ, 10625 լ բենզին, 38715 լ դիզելային, 01.10.2018թ.-ի 43238 խմ գազ, 20365 լ բենզին, 32972 լ դիզելային մասով առկա են միայն տեղամասերի պետերի կողմից «Ջրառ» ՓԲԸ-ին ներկայացված լիցքավորման քարտեր, որտեղ չի երևում, թե փաստացի ծախսն ինչպես է կատարվել:

4. «Ավտոգազ» ՍՊԸ-ից 12.01.2015թ.-ին անժամկետ կնքված պայմանագրի հիման վրա 01.01.2017- 30.09.2018թթ. 38,300,000 դրամ գումարի շրջանակներում 200 դրամ հաշվարկային գնով, կանխավճարային կտրոնային եղանակով, ձեռք է բերվել 191500 մ³ քանակությամբ գազ:

Համաձայն տրամադրված տեղեկատվության՝ ձեռք բերված 191500 մ³ քանակությամբ գազից 191470 մ³ քանակությունը 30.10.2018թ. դրությամբ բաշխվել է:

Նշված գնման առարկան 2017թ. և 2018թ. «Ջրառ» ՓԲԸ-ի գնումների պլանում նախատեսվել է որպես ՄԱ (մեկ անձ), ինչը չի համապատասխանում **«Գնումների մասին» ՀՀ օրենքի 23-րդ հոդվածի պահանջներին, քանի որ 23-րդ հոդվածով նախատեսված որևէ հիմք առկա չէ ՄԱ սահմանելու համար:**

191500 մ³ քանակությամբ գազը «Ջրառ» ՓԲԸ մուտքագրման ժամանակ, ըստ տրամադրված տեղեկատվության, մուտքագրման համար չի կազմվել մուտքի օրդեր, որի օրինակելի ձևը սահմանված է ՀՀ ֆինանսների նախարարի 2016թ. թիվ 37-Ն հրամանով:

**17065 մ³ քանակությամբ գազ,
լիցքավորվել է, սակայն չի
հաշվառվել**

Կանխավճարային կտրոնների տրամադրման ակտի համաձայն, այն հանդիսանում է հաշվարկային կանխավճար, որը մարվելու է մատակարար-գազալցակայաններից փաստացի ստացված հաշիվ-ապրանքագրերով: Գազալիքցավորման կայանների կողմից դուրս գրված հարկային հաշիվների համադրման արդյունքում պարզվեց, որ լիցքավորված գազի միավորի գինը հիմնականում տարբեր է սահմանվել 200 դրամ հաշվարկային գնից, սակայն տրամադրվել է 200 դրամ հաշվարկային գնին համապատասխան քանակություն (ընդհանուր լիցքավորված գազի միջին գինը ավելի ցածր է եղել, քան սահմանված հաշվարկային գինը): Արդյունքում, 17065 մ³ քանակությամբ գազ, համաձայն դուրս գրված հարկային հաշիվների, լիցքավորվել է, սակայն չի հաշվառվել:

5. «Բաղրամյանշին» ԲԲԸ-ի հետ 03.04.2017թ.-ին կնքված 2,160.0 հազ. դրամի և 12.03.2018թ.-ին կնքված 1,396.0 հազ. դրամի բեռոնի մատակարարման պայմանագրերի մասով **մրցույթ է իրականացվել միայն 2018 թվականին**, որի ժամանակ «Հիդրո-Գրուպ» ՍՊԸ ներկայացված գնառաջարկը՝ 44,000 դրամ՝ B 20 դասի բեռոնի համար, մերժվել է՝ գնային առաջարկում տառերով գրված չլինելու պատճառաբանությամբ, ինչը ՀՀ ֆինանսների նախարարի 09.10.2017թ.-ի թիվ Պ-2 **պաշտոնական պարզաբանման համաձայն՝ հայտը մերժման ենթակա չէր: Արդյունքում՝ ավելի ցածր դասի բեռոնը B 15 ձեռք է բերվել 51,704 դրամով:**

Նշված անհամապատասխանությունների մասով «Զրառ» ՓԲԸ-ի կողմից ներկայացվել են պարզաբանում առարկություններ (Հավելված 14):

ԱՌԱՋԱՐԿՈՒԹՅՈՒՆՆԵՐ

Ոռոգման ծառայություններ մատուցող ընկերություններին ֆինանսական աջակցության վերաբերյալ

1. ԶՕԸ-երի հետ կնքվող դրամաշնորհային պայմանագրերում սահմանել Ռազմավարությամբ սահմանված պայմանները, նախապայմանները և համապատասխան մեխանիզմները:
2. Սուբսիդիայի պայմանագրերը կնքել՝ պահպանելով ՀՀ կառավարության 2003 թվականի դեկտեմբերի 24-ի թիվ 1937-Ն որոշմամբ հաստատված ՀՀ պետական բյուջեից իրավաբանական անձանց սուբսիդիաների և դրամաշնորհների հատկացման կարգը: Մասնավորապես, պայմանագրերում սահմանել որոշմամբ նախատեսված նվազագույն շահավետ գնի վերաբերյալ նշումներ, ինչպես նաև առավելագույն քանակի փոփոխման պայմանների վերաբերյալ դրույթներ:
3. Իրականացնել միջոցառումներ Ռազմավարությամբ նախատեսված ոռոգման համակարգի ընկերությունների կրեդիտորական պարտքերի վերակառուցման ծրագրի մշակման և հաստատման ուղղությամբ:
4. Իրականացնել միջոցառումներ Ռազմավարությամբ նախատեսված ցուցանիշներին համապատասխանելու ուղղությամբ:
5. Իրականացնել աշխատանքներ քարտեզների արդիականացման ուղղությամբ Բազայում, որպես ջուր սպառող համայնքները նշելը բացառելու նպատակով:
6. Պահպանել ԶՕԸ-երի հետ կնքված դրամաշնորհային պայմանագրերի 2.4.8 կետի պահանջները, այն է ԶՕԸ-երը պարտավոր են ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» ՀՀ օրենքով սահմանված կարգով՝ պետության կարիքների համար կատարվող գնումների կանոններին համապատասխան:
7. Մատակարարված ոռոգման ջրի գանձումը իրականացնել ՀՀ կառավարության 2002 թվականի դեկտեմբերի 26-ի թիվ 2121 որոշմամբ հաստատվել է ոռոգման ջրի մատակարարման օրինակելի պայմանագրով նախատեսված կարգով, բացառելով կանխիկ գանձումը: Մասնավորապես օգտագործելով ԶՕԸ-երում առկա GIS հաշվառման ծրագիրը, ամբողջությամբ և հստակ մուտքագրել անհրաժեշտ ժամանակահատվածում համապատասխան ջրօգտագործողների կողմից սպառված ոռոգման ջուրը, և ընդհանուր ցուցակները տրամադրել բանկերին և այլ վճարումներ գանձող

կազմակերպություններ, որտեղ կերևան տվյալ սպառողի պարտքի չափը, վճարման ենթակա գումարի չափը, սպառված ոռոգման ջրի ծավալի չափը և այլ անհրաժեշտ տեղեկատվություն:

8. Իրականացնել միջոցառումներ կուտակված դեբիտորական պարտքերը նվազեցնելու ուղղությամբ:
9. Իրականացնել միջոցառումներ, օգտագործելով ՋՕԸ-երում առկա GIS հաշվառման ծրագիրը, ամբողջությամբ և հստակ մուտքագրել (ըստ ջրօգտագործողների և ըստ հողակտորների) բաժանորդներին փաստացի մատակարարված ջուրը: GIS համակարգի լիարժեք կիրառումը հնարավորություն կտա նաև հստակ հաշվառել փաստացի ոռոգված հողատարածքները, և կատարել համապատասխան իրատեսական պլանավորում:

Արփա-Սևան թիվ 2 թունելում առանձին վթարային հատվածների հիմնանորոգման աշխատանքների գնման պայմանագրի վերաբերյալ

10. Նախահաշվային փաստաթղթերը կազմելիս հետևել, որպեսզի դրանք կազմվեն օրենսդրությամբ նախատեսված ընթացակարգերով:

Ոռոգում ջրառ իրականացնող կազմակերպություններին ֆինանսական աջակցության վերաբերյալ

11. Ջրի հաշվառման մասով առաջարկվում է առկա ջրի հաշվառման Skada համակարգերը տեղադրել համապատասխան վայրերում և կատարել համապատասխան կարգաբերումներ, ինչի արդյունքում արդեն կսկսվի իրականացվել ջրի հաշվառում իրական ժամանակում on-line ստացվող տվյալների միջոցով:
12. Առաջարկվում է օգտագործելով SKADA համակարգից ստացված տվյալները պլան ժամանակացույցները կազմել ավելի իրատեսական, բացառելով օրենսդրությամբ նախատեսված 25 տոկոսից ավել շեղումների իրականացումը, ինչը ազդեցություն է ունենում Սևանա լճից բաց թողնվող ջրաքանակի, Մխչյանի և Ռանչպարի դոտացիոն պոմպային կայաններով մղվող մեխանիկական ջրի ծավալների վրա:
13. Առաջարկվում է մեխանիկական ջրի հաշվառումը իրականացնել հիմք ընդունելով հոսանքի ծախսը և պոմպերի տեխնիկական ցուցանիշները, բացառելով պոմպերի տեխնիկական ցուցանիշների անհիմն շեղումները (առանց համապատասխան չափման արձանագրությունների): Ինչպես նաև կիրառել պոմպակայաններում մղված ջրի և ծախսվող էլեկտրաէներգիայի մոնիթորինգի համակարգ, ինչի արդյունքում հնարավոր կլինի առցանց ստանալ հոսանքի, ջրի և այլ անհրաժեշտ տվյալները:
14. Իրականացնել միջոցառումներ հավաքագրման մակարդակը ավելացնելու ուղղությամբ:

15. Պետական սեփականություն հանդիսացող գույքը վարձակալության հանձնել, պահպանելով ՀՀ օրենսդրությամբ նախատեսված ընթացակարգերը, և սահմանել համապատասխան իրատեսական չափորոշիչներ առավելագույնս մուտքերը ավելացնու նպատակով:
16. Մուտքերը ավելացնելու նպատակով, «Ջրառ» ՓԲԸ-ի և ՀԷԿ-եր շահագործող տնտեսվարող սուբյեկտների հետ կնքված պայմանագրերի արժեքների վերաբերյալ սահմանել համապատասխան ընթացակարգ և արժեքի հաշվարկման համապատասխան մեթոդիկա, ներկայացնելով Ընկերության ժողովի հաստատմանը:
17. Ձեռնարկել միջոցներ «Ջրառ» ՓԲԸ-ի սպասարկման տարածքում ՀԷԿ-եր շահագործող բոլոր տնտեսվարող սուբյեկտների հետ ծառայությունների մատուցման պայմանագրեր կնքելու ուղղությամբ:
18. Իրականացնել ՀՀ օրենսդրությամբ նախատեսված գույքագրումը:
19. Ձեռնարկել միջոցներ ընկերության սպասարկման տարածքում ապօրինի ջրօգտագործումների կանխման ուղղությամբ:
20. Ներկայացնել ՀՀ օրենսդրությամբ նախատեսված անվտանգության հայտարարագրերը:
21. Գարնան նախապատրաստական աշխատանքները, ինչպես նաև այլ ձեռք բերումները իրականացնել, պահպանելով Գնումների մասին ՀՀ օրենքի պահանջները:
22. Ապահովել կնքված պայմանագրերի շրջանակներում պայմանագրերով նախատեսված փաստաթղթերի (աշխատանքների կատարման հիմնավորումները) առկայությունը:

Համաձայն «Հաշվեքննիչ պալատի մասին» ՀՀ օրենքի 26-րդ հոդվածի 6-րդ մասի պահանջի՝ ընթացիկ եզրակացությունը ստանալուց հետո՝ 30 օրվա ընթացքում ՀՀ հաշվեքննիչ պալատին տրամադրել ընթացիկ եզրակացությունում ամրագրված անհամապատասխանության, խեղաթյուրման վերացման, առաջարկությունների իրականացման և ընթացիկ եզրակացության վերաբերյալ այլ գրավոր տեղեկատվություն:

**ԶՕԸ-երի կողմից պետական ֆինանսական աջակցության ծախսման
ուղղությունները**

**Հավելված 1
հազ. դրամ**

Անվանում	2017 թ.	2018 1-ին կիսամյակ
Էլեկտրաէներգիայի ծախս	3,119,882	2,088,171
Գարնան նախապատրաստական աշխատանքներ և հիմնական միջոցների վրա կատարվող ընթացիկ նորոգման ծախսեր	716,759	409,131
Աշխատավարձ և դրան հավասարեցված այլ վճարումներ [ենթակա է վճարման]	460,265	404,455
Տրանսպորտային ծախսեր և վառելիք	86,216	100,407
Բանկային, փոստային և հեռահաղորդակցության այլ ծառայությունների ծախսեր	21,360	1,073,473
Տնտեսական, ներկայացուցչական և վարձակալական և այլ ծախսեր	4,502	1,945
Զրառի ծախսեր	335,203	254,074
Ներդրումային ծրագրերի համաֆինանսավորումներ և հիմնական միջոցներ	13,645	26,134
Էլեկտրաէներգիայի գծով հաշվարկված տույժեր	61	2,104
Հարկեր	383,234	190,739
Հումք նյութեր	23,836	20,185
Կանխիկացում	2,102	
Փոխառություն	8,231	2,000
Էներգոնորոգում ԲԲԸ	15,249	9,095
Այլ	62,570	5,819
Ընդամենը	5,253,114	4,587,731